

Tuesday, June 23, 2026

Time - 2:30pm - 2:35pm

AKASHVANI AIZAWL

REGIONAL NEWS UNIT

INTNL OLYMPIC DAY

International Olympic Day pualin tukin khan Aizawl Lammual ah hun buatsaih a ni a, zing dar 6 ah Olympic Day Run neih niin Chanmari Kawn, Dinthar leh Sikulpuikawn atangin lammual an pan a,

He hun hmanpuitu Environment, Forest & Climate Change Minister Pu Lalthansanga chuan International Olympic Committee leh World Health Organization tangkawpin khawvel pum huapin campaign a kalpui mek a ti a, he event in a ngaih pawimawh ber chu thalai ten mahni inrinhlehna hneh a, infiamna leh taksa tihchakna lama ke an pen ni a ti a, Olympic movement chu thalai-te tana kawng pawimawh tak a ni a, sports leh environment chu a in kungkaih tlat a ni a ti. Taksa hriselna atan boruak thianghlim leh environment a pawimawh thu a sawi.

(BYTE)

He hunah hian Plantation drive neih a ni a, Mizoram Olympic Assn Chairman Pu Robert Romawia Royte MLA leh Sports Minister Pu Lalnghinglova Hmar te pawh an tel a ni,

VC

Olympic Day Run -ah hian isports assn 15 chuang atang mi 631 telin, tlan tam lawmman siam a ni a, Mizoram Table Tennis Association chuan tlan tam ber lawmman pakhatna cheng 10000 an dawng a, Pahnihna ah hian Mizoram Football Association leh Mizoram Wrestling Association lawmman cheng 5000 an dawng ve thung a, Pathumnaah Mizoram Hockey Association leh Mizoram Taekwondo association ten lawmman cheng 4000 an dawng , lawmman pawisa fai bakah hian thing tiak hlantel an ni bawk.

Mizoram Athletic ,Badminton ,Archery, Judo ,Tennis ,Rifle ,Basketball ,Weight lifting ,Karate Association ten lawmman cheng 3000 theuh an dawng a, lawmman pawisa fai bakah he hun hman zawh hian Official leh Minister te chuan Mizoram States Sports Council, Sports Centre Muallungthu ah thingphunna hun an hmang bawk a ni.



AIZAWL COLLEGE

Aizawl Government Aizawl College Building chu Mizoram Presbyterian Church, SYNOD hnenah vawiin khan Higher & Technical Education Minister Dr. Vanlalhlana kaihhruaina hnuaiah hlan a ni.

He hun hi Planning & Programme Implementation Department Committee Room-ah neih niin, Mizoram sorkar aiawhin Higher & Technical Education Department Secretary Dr. Lalrozama leh Mizoram Synod moderator Rev John Raldosanga ten inremna thuthlung an ziaak a ni.

Higher & Technical Education Minister Dr. Vanlalhlana chuan Aizawl College Building chu zirna lam ngaihven, mi rintlak tak te kuta a awm tur chu ngaihthat thlak a tih thu a sawi a. Mizoram synod-in a hlauh ber chu Finance department in an kawl bo mai ang tih a ni a ti a. Finance dept. enkawltu Chief

Minister Pu Lalduhoma chuan hemi chungchangah hian hlauhthawn tur a awm lova, a hmanna tur an neih hunah a rang thei ang berin a pek chhuah tur thu tukin khan a hrilh tih a sawi a ni.



CADC

Chakma Autonomous Dist Council ah sorkarna siam tura thawk dun turin BJP leh ZPM chu an inrem a, Leader-a an thlan thar Pu Nirupam Chakma an Mizoram Governor hnenah sorkarna an siam theih thu a thlen a ni.

Vawiin khan CADC CEM hlui Pu Durjya Dhan Chakma leh CADC District BJP President kaihhruaiin Chakma Democratic Alliance Legislature Party din a ni a, Chakma Democratic Alliance Legislature Party ah hian Leader: Pu Nirupam Chakma, Deputy Leader: Pu Kali Kumar Tongchangya (ZPM), Treasurer: Pu Molin Kumar Chakma (BJP) leh Secretary: Pu Supreme Raj Chakma (ZPM) te an awm a ni.

Legislature Party thar din chuan Pu Nirupam Chakma, tuna Kamalanagar Constituency atanga MDC ni mek chu Executive Committee dinna atan sawrkar siam theihna claim siam turin thuneihna a pe a ni a.

Tun dinhmunah CADC ah hian BJP in MDC 10 a nei a, ZPM hian MDC 9 a nei bawk. Chakma Democratic Alliance ah hian MDC 19 an awm a, Opposition lamah hian MDC pakhat chauh, Pu Rasik Mohan Chakma, MLA a awm thung a ni.



PADMA AWARDS

President Droupadi Murmu chuan vawiin tlai hian Padma Awards 2026 chu New Delhi Rashtrapati Bhawan-a Civil Investiture Ceremony vawi 2-na ah a hlan ang.

Sorkar thuchhuah tarlan danin, President hian mi 65 hnenah Padma Award a hlan dawn a, Padma Vibhushan mi 2 leh Padma Bhushan mi 7 bakah Padma Shri mi 56 hnenah a hlan dawn a ni.

